

Klub SDP BiH
Zastupnica Jelena Pekić
Zastupnica Belma Kapo

Sarajevo, 24.08.2023. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema **Ministarstvu zdravstva Kantona Sarajevo**;

Za nabavku dijela neophodne opreme za otvaranje ordinacije fizikalne medicine i rehabilitacije u okviru JU Zavoda za zdravstvenu zaštitu zaposlenika MUP-a Kantona Sarajevo.

OBRAZLOŽENJE:

JU Zavoda za zdravstvenu zaštitu zaposlenika MUP-a Kantona Sarajevo je, sa ciljem proširenja djelatnosti specijalističko-konsultativne zdravstvene zaštite, a u koordinaciji sa Ministarstvom zdravstva Kantona Sarajevo, u proteklom periodu obavila niz aktivnosti potrebnih za uspostavljanje ordinacije fizikalne medicine i rehabilitacije.

U cilju proširenja prostornih kapaciteta, potpisan je ugovor sa Ministarstvom unutrašnjih poslova FBiH o korištenju dijela prostorija u okviru Policijske akademije FMUP-a na Vracama, a na osnovu Odluke Vlade FBiH od 01.06.2023. godine. Također, nabavljen je jedan dio opreme uz podršku resornog ministarstva, te je potrebno osigurati dodatna sredstva i za nabavku preostale potrebne opreme, a u skladu sa Pravilnikom o bližim uvjetima prostora, opreme i kadra za otvaranje i obavljanje zdravstvene djelatnosti u zdravstvenim ustanovama (Službene novine FBiH 26/12).

Ovim bi bila nabavljena oprema za kineziterapiju, termoterapiju/krioterapiju i funkcionalnu magnetnu terapiju.

Inicijativa je kreirana na bazi potreba koje su nam dostavljene iz JU Zavoda za zdravstvenu zaštitu zaposlenika MUP-a Kantona Sarajevo, gdje prema podacima kojima raspolažu iz Zavoda, procjenjena vrijednost opreme iznosi cca. 180.000,00 KM sa PDV-om.

Sobzirom na sredstva kojima raspolaže Zavod zdravstvenog osiguranja Kantona Sarajevo, iniciramo da se osiguraju sredstva za gore navedenu svrhu, a imajući u vidu na značaj ustanove sa stanovišta specifičnosti osiguranika koji svoju zdravstvenu zaštitu ostvaruju u okviru ove ustanove, kao i njihovu povećanu izloženost povredama i potrebu intenzivnijeg tretmana.

Molim vas da odgovor na inicijativu dostavite pismeno u elektronskoj formi na službeni mail jelena.pekic@skupstina.ks.gov.ba i belma.kapo@skupstina.ks.gov.ba.

S poštovanjem,

Jelena Pekić
Zastupnica u Skupštini Kantona Sarajevo

Belma Kapo
Zastupnica u Skupštini Kantona Sarajevo